

# Ginpadala sang Dios si Moises sa Egipto

EXODO KAPITULO 3-12



MOISES!

SI JEHOVA ANG NAGAHAMBAL  
PAAGI SA ANGHEL.



MOISES!

YARI AKO.

AKO ANG DIOS SANG IMO  
MGA KALOLOHAN. ANG AKON  
KATAWHAN NGA MGA ISRAELINHON  
NAGAANTOS SA EGIPTO. IPADALA KO  
IKAW PARA MAGHAMBAL SA PARAON.  
PAGUAON MO ANG AKON  
KATAWHAN SA EGIPTO.



GANI, SI MOISES KAG ANG IYA UTOD NGA SI AARON NAGKADTO SA **PARAON**.


SI JEHOVA  
NAGSILING: "**PALAKTA  
ANG AKON KATAWHAN**  
AGOD MAG-ALAGAD  
SILA SA AKON SA  
KAMINGAWAN."

**SIN-O SI  
JEHOVA? INDI KO  
PAGPALAKTON  
ANG ISRAEL.**

NAGHIMO PA GANI SI AARON SING **MILAGRO** SA ATUBANG SANG PARAON PARA PAMATUD-AN NGA GINPADALA SILA SANG DIOS. (TAN-AWA ANG EXODO 7:8-13.)

PERO **MATIG-A GID** ANG PARAON. INDI GID NIYA PAGPAGUAON SA EGIPTO ANG KATAWHAN NI JEHOVA.





GANI, NAGPADALA SI JEHOVA SING SIAM KA KALALAT-AN SA EGIPTO.

ANG SUBA NILO NANGIN DUGO.

ANG DUTA NAPUNO SANG MGA PAKA.

ANG MGA HAMLOK NAGSALAKAY SA MGA TAWO KAG SAPAT.

ANG NAGAPANGUTOT NGA MGA LANGAW NAGDAGSA SA MGA BALAY KAG NAGHALIT SA DUTA.

NAGKALAMATAY ANG MADAMO NGA KASAPATAN BANGOD SA BALATIAN.

ANG MGA EGIPTOHANON KAG ANG ILA KASAPATAN GINTUBUAN SANG HUBAG.

NAG-ULAN SING YELO KAG KALAYO NGA NAGHALIT SA MGA PANANOM KAG NAGPATAY SA MGA TAWO KAG MGA SAPAT.

GIN-UBOS SANG MGA APAN ANG MGA TANOM NGA WALA NAHALITAN SANG YELO.

GINTABUNAN SANG PUERTE NGA KADULOM ANG EGIPTO SA SULOD SANG TATLO KA ADLAW.

PERO WALA GIHAPON GINPAGUA SANG PARAON ANG MGA ISRAELINHON.



NAGBALIK **NAMAN** SI MOISES  
KAG SI AARON SA PARAON.

NAGSILING SI JEHOVA:  
"ISA PA KA KALALAT-AN  
ANG IPADALA KO SA EGIPTO.  
SA TUNGANG-GAB-I, MAPATAY ANG  
TANAN NGA KAMAGULANGAN  
NGA LALAKI."

PAGKAGABI MISMO, NAGPADALA SI JEHOVA SANG ANGHEL  
NGA NAGPATAY SANG **KAMAGULANGAN NGA LALAKI** SA  
TANAN NGA BALAY SANG MGA EGIPTOHANON NGA WALA  
NAGTUMAN SA DIOS . . .

PATI ANG **BATA NGA LALAKI SANG  
PARAON.** (TAN-AWA ANG SALMO 78:49-51.)

SIGE! **LAKAT  
NA** KAMO, KAG  
MAGSIMBA KAY JEHOVA,  
KON AMO SINA ANG  
INYO GUSTO.

SA KATAPUSAN, ANG TANAN NGA ISRAELINHON  
GINPAGUA GID MAN SA EGIPTO.

PERO ANG MGA ISRAELINHON ARA GIHAPON SA KATALAGMAN.  
PAANO SILA **GINPROTEKSIONAN** NI JEHOVA? SUNDAN ANG  
KASUGPON SINING KOMIKS SANG MGA ISTORYA SA BIBLIJA.

### ANO ANG MATUN-AN NATON SA SINI NGA ISTORYA?

NGAA WALA NAGPAMATI ANG PARAON KAY  
MOISES KAG KAY AARON?  
**CLUE:** EXODO 9:17; SALMO 66:6, 7.

NGAA **INDI PAREHO** SI MOISES SA PARAON?  
**CLUE:** NUMEROS 12:3.

SA BANTA MO, NGAA MAS MAAYO NGA MANGIN  
**MAHAGOP** KAG MALULO SANGSA MANGIN  
AROGANTE KAG MATIG-A SING ULO?  
**CLUE:** SALMO 37:11; ZACARIAS 7:8-12.